



## **Avannaata Kommunia**

Teknikkimut ingerlatsivik  
Noah Mølgårdip Aqq. 9  
3952 Ilulissat

Ulloq: 25. oktober 2024

# ***Piumasaqaatit immikkut ittut (SB) aamma Sulianik allaaserinnineq immikkut ittoq (SA): 2025-miit 2027-mut Ilulissani bussit ingerlanneqarnerannut***

---

**Suliariumannittussarsiuussisoq: Avannaata Kommunia**

Ilulissat oktober 2024

# Piumasaqaatit immikkut ittut (SB)

## Ilulissani bussit ingerlanneqarneri

### 2 .0 Neqerooruteqartitsineq

Avannaata kommunia Ilulissani bussit aalajangersimasumik ingerlaffillit pillugit ingerlanneqarnissaanik neqerooruteqarpoq, tamanut suliariumannittussarsiuussineq ukiunut pingasunut piffissaligaassaaq 1/1/2025-miit 31/12/2027-mut.

Piffissami tassani Ilulissani bussit aalajangersimasumik ingerlaffillit ingerlanneqarnerinik kisermaassineq anguneqassaaq.

Neqerooruteqartitseriaaseq neqerooruteqartitseriaasiuvoq iluaqutaanerpaasoq. Nalilersuineq piumasaqaatit tulluuttut aallaavigalugit ingerlanneqassaaq, tassani pingaartinneqassapput:

1. Akia (80%)

Neqerooruteqartup unammillernermini akia 80%-iunissaa pingaartinneqassaaq.

2. Ilanngussat putsassusaat (20%)

Ilaanermi akit pillugit ilanngussat 20%-imik pingaartinneqassat. Tassani naliliisoqassaaq qanoq pitsaatigisumik

### 2.1 Neqeroorutininik tunniussineq

Neqeroorut allakat puuanut matoqqasumut ikillugu Teknikkimut ingerlatsivimmut tunniunneqassaaq, uunga Noah Mølgård aqq. 9, 3952 Ilulissat, kingusinnerpaamik tallimangornermi novembarip 29-ani 2024, nal. 13:00.

Allakkat puua matoqqasoq ima nalunaaqqutserneqassaaq: ”Ilulissani bussit ingerlanneqarneri” aamma suliffeqarfiup atianik adresseanillu allaffigineqassaaq.

### 2.2 Suliariumannittussarsiorneq

Suliariumannittussarsiuussineq Teknikkimut ingerlatsivimmut tallimangornermi novembarip 22-ani 2024-mi nal. 13.00 ingerlanneqassaaq, tassani neqerooruteqarnermut allakkat neqerooruteqartunit peqataaffigisaani ammarneqassapput.

### 2.3 Nalorninermi attavissaq

Ataatsimiinneq apeqquteqarfiusinnaasoq Ilulissani Teknikkimut ingerlatsivimmi ingerlanneqassaaq, novembarip 22-iani 2024-mi nal. 10.00, tassani neqerooruteqartut ornigussinnaapput neqeroorutigineqartullu pillugit apeqquteqarsinnaallutik.

Neqeroorutigineqartut pillugit apeqqutissat ataatsimiisitsinissap tungaanut mailimut nassiunneqarsinnaapput: lema@avannaata.gl. lema@avannaata.gl

Apeqqutit tamarmik apeqquteqartitsilluni ataatsimiisitsinermi akineqassapput, neqerooruteqartunullu tamanut allagangorlugu akissutinik nassiussisoqassalluni.

### 2.4 Neqerooruteqarnermut tunngasut

Bussit angalasarneri aallaavigalugit Ilulissani bussit ingerlanneqarnissaat neqeroorutigineqarpoq, ukiumut ataatsimut bussit ingerlanneqarneri aalajangersimasumik akeqartinneqarlutik, isumaqatigiisut ukiunut pingasunut sivilissusiligaavoq, bussillu ingerlanneqarneri ukioq ataaseq affarlu ingerlareerpata naliliiffigineqassallutik.

Bussit ingerlaffigisartagai ilanngunneqarnikut neqeroorfigineqassapput aamma neqerooruteqartitsinermi allattorsimaffiit naapertorlugit. Entreprenørp unnuk kulturisiorfiusumi aamma inuiattut ullorsionitsinni

akeqanngitsumik bussini ilaasoqarnissaq isumagissavaa.

Neqerorutigineqartoq aningaasatigut pitsaanerpaanera naapertorlugu nalileneqassaaq.

Isумаqatigiissuteqarfiusumi piffissami tamarmi kommunip bussisa attartorneqarnissai periarfissaavoq.

## **2.5 Neqerorut 1: Atuartut**

- Ilulissani atuartut 700-t atuarnep nalaani akeqanngitsumik ilaasarnissaat pillugu bussinik ingerlatsinermut aki aalajangersimasoq. Ukiumut atuarfiusumi tamarmi ukiumut ullut 200-t nalunaquttap 7-17 nalaani. Atuartut amerlassusaat nikerartarput amerlassusaallu ukioq ataaseq affarlu naliliinermut atatillugu nalimmassarneqassallutik.
- Atuartut nal. 8.00 tikitsinnagu atuarfimmeereertassapput.
- Neqerorut ingerlanermut pilersaarut Ilanngussaq 1 aamma ilanngussaq 2 naapertorlugu tunniunneqassaaq.

## **2.6 . Neqerorut 2: Utoqqalinersiallit siusinaartumik pensionisiallit aamma innarluutillit.**

- Ukiup ulluinut tamanut ukiumut ataatsimut bussit ingerlanneqarnerinut aki aalajangersimasoq utoqqalinersiallit, siusinaartumik, pensionisiallit aamma innarluutillit ingerlanneqarnerannut.
- Utoqqalinersiallit, siusinaartumik pensionisiallit aamma innarluutillit amerlassusaat nikerartarput tamarmillu pisortat angallassissutaanik atuineq ajorput. Utoqqalinersiallit, siusinaartumik pensionisiallit aamma innarluutillit amerlassusaat oktober 2024-mi 680-iupput. Amerlassusaat ukioq ataaseq affarlu qaangiuppat naliliinermut atatillugu nalimmassarneqassapput.
- Neqerorut ingerlanermut pilersaarut Ilanngussaq 1 aamma ilanngussaq 2 naapertorlugu tunniunneqassaaq.

## **2.7 Bussinut piunasaqaatit, attaveqatigiinnissamut pilersaarut aamma akiliutissatut periarfissat**

### **2.7.1 Bussinut piunasaqaatit:**

Bussit angissusaat minnerpaamik 17-inik issiasoqarlutik ilaasoqarsinnaassapput.

Bussini issiaviit avataatigut, nassatanik anginerusunik soorlu barne-/klapvogninut, kørestolinut il.il.

inissiisarnissanut inissiiivissamik 2 m<sup>2</sup> missaani annertutigisumik inissaqassaaq.

Innarluutillit kaamisartakkanillu issiavillit ilaasinnaanissaat eqqarsaatigalugu bussit aaqqissorneqas-sapput.

Bussit illoqarfimmi bussiuinissaminnut ilusilersorneqassapput.

Nutaanik bussinik pisinermi imaluunniit nutaanik/atornikunik bussinik atuilernermi bussit

majuartarfittaqaanngitsut atorneqassapput.

### **2.7.2 - Imm. 3 tak. TBL: Bussit pillugit paasissutissat ilanngunneqarnikut.**

Bussinik tuniniaasumit bussinut paasissutissat attuumassuteqartut aammalu assitut uppernarsaatit neqerorummot ilanngunneqassapput.

Bussinik iniminniinneginnermi isumaqatigiissummilu atsioqatigiinneginnermi, bussi siumoortumik Avannaata Kommunanit akuersissutigineqarsimassaaq.

Amerlaqataanik ilaasoqarsinnaasumik entreprenøri bussinik sillimmateqassaaq, imaluunniit bussit atukkat ingerlasinnaajunnaassagaluarpata qanoq sillimmateqartoqassanersoq uppernarsassallugu.

Matumani bussinut neqerorutigineqartut taarsersornissaannut pilersaarut saqqummiunneqarpoq.

Taarsersornissaanut pilersaarut bussit qangarnisat taarsersornissaannut pilersaarummik imaqassaaq, bussinik nutaanik taarsernissaannut.

### **2.7.3 - Imm. 4. tak. TBL: Attaveqatigiittarnissamut uppernarsaat**

Entreprenøri attaveqatigiittarfissamut siunnersuusiussaaq aamma ingerlatsinermi ajoquteqalernerme atuisut qanoq paasitinneqartassanerannik periusiussaaq.

Attaveqatigiittarfik kikkunnit tamanit iserfigiuminassaaq.

Entreprenøri ingerlatsinikkut ajoquteqalernerminiit minutsit 15-it iluanni attaveqarfissatut aalajangiussamut nalunaaruteqartassaaq.

Ingerlatsinermi ajoquteqalerneq imannak paasineqassaaq:

- Bussit ingerlanerisa unitsinneqarneri silammit ilaatigut peqquteqarsinnaavoq.
- Ingerlanissarluit unitsinneqarpata.

Entreprenøri sukkanerpaamik bussinik ingerlatsineq aallarteqqinnissaanik pisussaaffeqarpoq aamma bussit ingerlaneris pillugit ingerlanerisa killiffii attaveqaatissat aqutugalugit ilisimatitsissutugalugu.

#### **2.7.4 - Imm. 5. tak. TBL: Bilitsit akii**

Neqerooruteqartitsisup isumagissavaa suliarinnittussap nammineerluni akiliisarnermut systemit isumagissagai.

Entreprenøri nammineerluni atuartunut, utoqqalinersialinnut, siusinaartumik pensionisialinnut, aamma innarluutilinnut akeqanngitsumik bussernissamut kortinik ilusilersuissaaq, naqiterissaaq aamma tunioraassaaq, kiisalu akigitaasunut allattorsimaffiit naapertorlugit bussini ilaanissamut periarfissat neqeroorutugalugit.

#### **2.8 - Neqerooruteqarnerup uppersarnerqarnera**

Immikkoortut 3, 4 aamma 5 neqeroorummumut tamakkiisumut piunasaqaataapput.

1-imut aamma 2-mut tak. TBL, neqerooruteqannginneq neqeroorummi piunasaqaatinik malitseqartumik malititsinnginnertut isigineqassaaq.

#### **2.9 Unammillernermi aki**

Imm. 5 tak. TBL. Neqeroorutigineqartut katinneqarneri, Neqeroorut 1 aamma Neqeroorut 2 - unammillernermi akiulersoq, neqeroorummumut sumulluunniit tunngaviliisoq, "akikinnerpaaq" Avannaata Kommuniata bussit pillugit isumaqatigiissummut aallartitsissutissaa.

Tunngaviusumik bussinik ingerlatsineq maannakkut bussit angalanissamut pilersaarutai aallaavigalugit ingerlanneqassaaq, kisianni Avannaata kommunia aamma neqerooruteqartup akornanni angalanissamut pilersaarutit atuuttut annertusinissaannut annikillinissaannulluunniit isumaqatigiissutigineqarsinnaavoq tamanna akeqanngitsunut sullisinerlut ajorseriaataassanngippat. Tamanna isumaqatigiissuteqarnikkut ingerlaannaq naammassineqarsinnaavoq. Malitsigisaanik isumaqatigiissutip ingerlanerata nalaani qaammatinik marlunnik sioqutsilluni ilimasaaruteqarnikkut ulluinnarni sapaatillu akunnerisa naanerini bussit ingerlasarnerisa piffissaannik, bussinik ingerlatsisuusussap malitassatut pisussaaffigisassaanik Avannaata Kommunia nalimmassaasinnaavoq.

Neqeroorut Neqeroortitsinermi allattorsimaffinni tamani piunasaqaatinik naammassinninnermi neqeroornermi allattorsimaffik malitsilimmik allanneqassaaq.

Qulaani piunasaqaatit taaneqartut malillugit akikinnerpaamik neqerooruteqartumik Avannaata Kommunia isumaqatiginninniassaaq.

Isumaqatigiissummik politikikkut akuersissuteqarnissaaq tunngavigalugu neqeroorummik nalunaaruteqarnissaaq suliariumannittussarsiuussinerup kingorna sapaatip akunneranut sisamanut killiligaavoq.

Neqeroorutit tamarmik akisuallaartutut nalilerneqarpata kiisalu neqerooruteqartoq suliamik naammassinnissinnaassanngippat, neqerooruteqartorluunniit 100.000 DKK sinnerlugu pisortanut akiitsoqarsimappat, Avannaata Kommunia neqeroorutinik itigartitsisinnaatitaavoq.

Arlallit ataatsimoortumik neqerooruteqassappata, suliffeqarfimmumut kina akisussaasuunersoq ersarissumik allassimassaaq.

Akisussaasoq bussinik ingerlatsinermi akisussaaffik Avannaata Kommunianut tamakkiisumik pisussaaffigissavaa, neqerooruteqartullu Ilulissani pissutsit bussillu ingerlaartarfii aammalu ukiuunerini

unammillernartunut kingunerisinnaasai ilisimasaqarfigissagai piunasaqaataavoq.

## **2.10 Ingerlaarnissamik pilersaarut, ingerlaarfissap titartagartaa akillu allattorsimaffiat**

Ingerlaarnissamik pilersaarut piffissalersornilik, bussinut unittarfiit, ingerlasarfiup nunap assinganik akillu allattorsimaffiat neqerooruteqarnissamut atortussamut matumunnga ilanngussatut ilanngunneqassapput. Bussini tunniuteraannangorlugit bussit angalasarnissaanut pilersaarutunik tigoriaannarnik entreprenøri peqassaaq. Illoqarfimmi bussit unittarfiini aalajangersimasuni bussit ingerlanissaannut pilersaarutunik entreprenøri nivinngaassuissaaq. Avannaat Kommunia akuerineqqaartinnani bussit ingerlaffimmik entreprenøri allannortitsisinnaangilaq.

Avannaata Kommunia akinik allannguinissamik kissaateqassagaluarpat, allannguutaasut Avannaata Kommuniata entreprenøriusullu akornanni isumaqatiginninniutigineqassapput.

## **2.11 Isumaqatigiissut**

Bussinut isumaqatigiissut ukiumut pingasunut atuuppoq ukiorlu ataaseq affarlu qaangiuppat tamakkiisumik akigititat nalimmassarnissaat periarfissaassaaq. Bussinut isumaqatigiissummut aningaaserivikkut qularnaveeqquteqarnikkut isumaqatigiissutip tamakkiisumik ukiumut akigititat 10 procentia qularnaveeqqusiunneqassaaq. Neqerooruteqartup aningaasaqarnikkut inissisimanera pillugu paasissutissanik sukumiinerusunik Avannaata Kommunia piniarsinnaavoq.

## **2.12 Entreprenørimut akiliisarneq**

Akiliisarneq siumoortumik akiliisarnikkut assigiimmik ukiumut aqqaneq-marloriarluni akiliisarnikkut, siullermik 1/1/2025-mi pissaaq.

## **2.13 Kiffartuussinerup unitsinneqarnerani utertitsilluni akiliuteqarneq**

Bussinik ingerlatsineq ulluni arfineq marlunni ataannavissumik naammassineqarsinnaangippat, bussinik ingerlatsiffiunngitsunut ullunut utertitsilluni akiliuteqartoqarnissaanut kommuni pisussaatsippoq. Utertitsilluni akiliuteqarneq piffimmut atuuttumut bussinik ingerlatsinissamut aki isumaqatigiissutigineqarnikoq naapertorlugu naatsorsorneqassaaq. Aalajangiineq tamanna peqqutaa apeqqutaatinnagu atuutissaaq, isumaqatigiissummi allamik isumaqatigiissusiortoqarsimangippat.

# **Sulianik allaaserinnineq immikkut ittoq (SA)**

## **3 3.0 Bussit ingerlanneqarnerat**

Bussinik ingerlatsinissamut isumaqatigiissut 1/1/2025 aallartissaaq. Ingerlatsinerup aallartinneraniit isumaqatigiissutip ullormi tassani atorunnaarfissaani ingerlatsineq pissaaq.

### **3.1 Bussinik aquttoq**

Aquttut tamarmik pineqaatissinneqarsimanginnermut uppersaammik, meeqqanillu pinerliisimanginnermut uppersaammik takutitsisinnaassapput, aquttullu pineqaatissinneqarsimatillugit aamma meeqqanik pinerliisimatillugit Avannaata Kommunia itigartitsisinnaatitaavoq. Aquttoq eqqiluisaassaaq, inussiarnersuussaaq, ikiuukkumatuujuussallunilu kiisalu ikiueqqaarsinnaassuseqassaaq. Aquttoq bussini ilaasut ilaasunut allanut aamma/aquttumut ajoqutaasumik pissusilersortut naqqinnissaannut imaluunniit niusinnissaannut pisinnaattitaaffeqarpoq. Bussinik ingerlatsineq angallannermut inatsisinut atuuttunut naapertuuttumik illersorsinnaasumik

ingerlanneqassaaq, utikajaartumilli illersorneqarsinnaanngitsumik ingerlasoqartarpat, aquttup peersinneqarsinnaaneranut Avannaata Kommunia pisinnaatitaavoq.

### **3.3 Angallannissamut pilersaarut**

Nalinginnaasumik ingerlaartarfimmut angalanissamut pilersaarut, minutsilersugaq:

- Ilanngussaq 1 bussit unittarfiisa nunap assingani takussutissartaat.
- Ilanngussaq 2 ingerlaffiit.

Bussinik ingerlanissatut pilersaarutaasutut piffissaq eqqoqqissaarlugu, angalanissamullu pilersaarut malillugu bussit ingerlanneqarnissaat, suliarinnittussap pisussaaffigivaa. Suliarinnittup bussit ingerlaffii assigiinngitsut akornanni ingerlaffissat ilaasunut takutitsinissani ilisimatitsinissanilu isumannaassavaa. Kalaallit Nunaanni ullut nalliuttut pisortatigoortumik nalliuttorsiorfigineqartarput.

Ullut atuarfiusut tassaapput Avannaata Kommuniata atuarfiisa ulluinnarni nalinginnaasumik atuartsiffigisartagai.

### **3.4 Pisortat angallassisutaanik atuisartunut paasissutissiineq.**

Entrepreneur attaveqatigiittarfissamut siunnersuusiussaaq aamma ingerlatsineri ajoquteqalernerimi atuisut qanoq paasitinneqartassanerannik periusissiusaaq.

Attaveqatigiittarfik kikkunnit tamanit iserfigiuminassaaq.

Entrepreneur ingerlatsinikkut ajoquteqalerneriniit minutsit 15-it iluanni attaveqarfissatut aalajangiussamut nalunaaruteqartassaaq.

Ingerlatsineri ajoquteqalernerq imannak paasineqassaaq:

- Bussit ingerlanerisa unitsinneqarneri silammit ilaatigut peqquteqarsinnaavoq.
- Ingerlanissaraluit unitsinneqarpata.

Entrepreneur sukkanerpaamik bussinik ingerlatsineq aallarteqqinnissaanik pisussaaffeqarpoq aamma bussit ingerlaneris pillugit ingerlanerisa killiffii attaveqaatissat aqutugalugit ilisimatitsissutugalugu.

### **3.5 Bussit aserfallatsaalineqarnerat**

Bussit eqqiarneqarsimassapput aamma allagartaliinnikkut ingerlaffiup normua/aqqa takutinneqartassallutik. Ullormi aallarfiissaq nallertinnagu, bussimi isumannaagassat inatsisit malillugit isumagineqassapput, taamaalilluni busi tamatigut illersorsinnaasumik ingerlasinnaassallutik.

### **3.6 Bussini atortut**

Billetsinut atortunik Entrepreneur nammineerluni ikkussisimassaaq, taakkulu aserfallatsaalinissaat/nutarternissaat isumagissallugu.

Bussinut aalajangersimasunik ingerlaffeqartunut aquttup sullivimmi avatangiisaasa ilusilersorneqarnissaannik ilitsersuut naapertorlugu bussinik aquttup inissisimaffissaa iluarsanneqassaaq.

Trafikselskabernes i Danmarks busforskrifter (Danmark-imi Angallanneri selskabit bussinut malittarissanut) bussit naapertuussapput.

Bussit aallartinnerminni ilui minnerpaamik 16 gradinik kissassuseqalersinneqarsimassapput.

### **3.7 Ussassaarutit**

Bussit iluini silataannilu ussassaarutininik entrepreneur ikkussisinnaavoq, taakkunungalugu akiliutit pissarsiaralugit.

### **3.8 Isumaqtigiissummik nammassinninnginneq**

Qulaani taaneqartunik ataatsimik arlalinnilluunniit neqerooruteqartoq unioqqutitsissappat, pissutsinik iluarsisuteqaqqusilluni neqerooruteqartitsisoq allakkatigut piumasaaqassiusaaq, pissutsillu sapaatip akunnerata iluani iluarsineqarsimangippata, neqerooruteqartoq akiligassinneqarsinnaalluni kr. 5.000-inik. Isumaqtigiissummik naammasinninnginneq pillugu qaammatit arfinillit ingerlanerini allakkatigut

pequssutini imminnut maliinnartunik pingasunik pissarsinikkut, isumaqatigiissut atorunnaarsinneqassaaq.

### **3.9 Pitsaassutsinik nakkutillineq**

Bussinik ingerlatsinerup pitsaassusaatigut qulakkeernissaa entreprenørup isumannaassavaa, siumullu kalerrinani nakkutilliinikkut, pitsaassutsip qulakkeerneqarsimanersoq Avannaata Kommuniata isumagissavaa.

Ukiut tamaasa ukiumut marloriarluni nalilersuilluni ataatsimiittoqartassaaq, tassani bussinik ingerlatsinermut pissutsit sinaakutissallu tunniunneqartut iluini bussit ingerlaviannik/-ingerlanneqarnerinik tulluarsaataasinnaasut pitsanngorsaataasinnaasullu periarfissat qaqqinneqartassallutik.